

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 16.03.2022թ. թիվ 2214351400 որոշումն անփոփոխ, իսկ վարչական բողոքն առանց բավարարման թողնելու մասին

<<31>> 03 2022թ. 7-13- 3613

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Գևորգ Մելիքսեթյանի ՄԴ/17952-22 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Մալաթիա-Սեբաստիա վարչական շրջանի Սվաճյան փողոցի 18 շենքի 27 բնակարանի բնակիչ Գևորգ Մելիքսեթյանի դիմումում խնդրել է չեղարկել Ճանապարհային ոստիկանության վարչական տույժ նշանակելու մասին թիվ 2214351400 որոշումը՝ նշելով, որ նույն իրավախախտման համար թիվ 8200123705 որոշմամբ պատասխանատվության է ենթարկվել պարեկային ծառայության կողմից:

Դիմումի քննարկման արդյունքում պարզվել է, որ Ճանապարհային ոստիկանության վարչական տույժ նշանակելու մասին թիվ 2214351400 որոշումը ենթակա է կատարման հետևյալ պատճառաբանությամբ.

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած **տեսանյութն է կամ լուսանկարը**, որը պարունակում է նաև տեխնիկական միջոցով արձանագրված տվյալները: Ըստ նույն հոդվածի 2-րդ մասի՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

ՀՀ կառավարության <<Հայաստանի Հանրապետության ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը հաստատելու մասին>> 28.06.2007թ. թիվ 955-Ն որոշման հորիզոնական գծանշումներ բաժնի 1.2.1՝ հոծ գիծը (եզրային) ցույց է տալիս երթևեկելի մասի և բաժանարար գոտու եզրը: Նույն բաժնի համաձայն՝ 1.1, 1.2.1, 1.3 գծերը հատելն արգելվում է:

Վարչական իրավախախտումների վերաբերյալ ՀՀ օրենսգրքի 124-րդ հոդվածի 1-ին մասի համաձայն՝ տրանսպորտային միջոցների վարորդների կողմից ճանապարհային նշանների կամ ճանապարհային գծանշումների պահանջները չկատարելը՝ առաջացնում է տուգանքի նշանակում՝ սահմանված նվազագույն աշխատավարձի հնգապատիկի չափով:

Ճանապարհային ոստիկանության վարչական տույժ նշանակելու մասին թիվ 2214351400 որոշմամբ արձանագրված իրավախախտումն ամրագրած տեսանյութը հստակ ապացուցում է ինչպես երթևեկելի մասը և բաժանարար գոտին բաժանող 1.2.1 հոծ գծի (եզրային) առկայությունը, այնպես էլ <<TOYOTA>> մակնիշի 35GS764 հաշվառման համարանիշի ավտոմոբիլի կողմից 10.03.2022թ. ժամը 12:46-ին Երևան քաղաքի Խորենացի-Բեյրութ-Իտալիա-Վ.Սարգսյան փողոցների խաչմերուկի հատվածում այն ավտոմոբիլի չորս անիվներով ամբողջությամբ հատելու փաստը:

Հարկ է նշել, որ վարչական վարույթի շրջանակներում հիմնավորվել է, որ թիվ 8200123705 և 2214351400 որոշումները կայացվել են տարբեր իրավախախտումների համար: Մասնավորապես թիվ 2214351400 որոշմամբ իրավախախտումն արձանագրվել է 2022թ.-ի մարտի 10-ին ժամը 12:46-ին Երևան քաղաքի Խորենացի-Բեյրութ-Իտալիա-Վ.Սարգսյան փողոցների խաչմերուկի հատվածում երթևեկելի մասը և բաժանարար գոտին բաժանող 1.2.1 հոծ գիծը (եզրային) հատելու համար, իսկ թիվ 8200123705 որոշմամբ իրավախախտումն արձանագրվել է Երևան քաղաքի Խորենացի-Բեյրութ-Իտալիա-Վ.Սարգսյան փողոցների խաչմերուկի հատվածում նույն օրը ժամը՝ 13:58-ին կանգառ կատարելու կանոնները խախտելու համար և վերը նշված ավտոմոբիլը տարհանվել է հատուկ պահպանվող տարածք << ոստիկանության պարեկային ծառայության Երևան քաղաքի գնդի ծառայողների կողմից, ինչի համար կազմվել է վարչական իրավախախտման վերաբերյալ արձանագրություն և կայացվել թիվ 8200123705 որոշումը:

<<Վարչական իրավախախտումների վերաբերյալ>> ՀՀ օրենսգրքի 35-րդ հոդվածի համաձայն՝ մեկ անձի կողմից երկու կամ ավելի վարչական իրավախախտումներ կատարելու դեպքում վարչական տույժը նշանակվում է յուրաքանչյուր իրավախախտման համար առանձին-առանձին:

Նույն օրենսգրքի 299-րդ հոդվածի համաձայն՝ նույն անձի նկատմամբ վարչական տույժեր նշանակելու մասին մի քանի որոշումներ կայացվելու դեպքում յուրաքանչյուր որոշում ի կատար է ածվում առանձին-առանձին:

Այսպիսով, հիմնավորվել է, որ դիմումատուին վարչական պատասխանատվության ենթարկելու մասին թիվ 2214351400 որոշումը իրավաչափ է և օրինական:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 16.03.2022թ. թիվ 2214351400 որոշումը թողնել անփոփոխ, իսկ վարչական բողոքն առանց բավարարման.
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում.
3. Սույն որոշման օրինակն ուղարկել Գևորգ Մելիքսեթյանին:



Ե.Կարապետյան